

## **Prof. dr. Mustafa Busuladžić**

Rođen u Sarajevu 07.12.1970. godine. Završio osnovnu školu, Drugu gimnaziju i Prirodno-matematički fakultet, Odsjek za fiziku u Sarajevu. Studij prekinuo u ratnom periodu 1992.-1996. godine i priključio se Armiji RBiH. Nakon toga nastavio studij boraveći 6 mjeseci na Università degli Studi di Napoli Federico II, Republika Italija.

Doktorirao na temu *Jonizacija iznad praga molekularnih sistema u jakom laserskom polju* 2010. godine PMF-u, Odsjek za fiziku. Prošao sva akademska zvanja na UNSA-Medicinski fakultet, a u zvanju je redovnog profesora od aprila 2021. godine. Bavi se naučno-istraživačkim radom uglavnom iz područja laserske, atomske i molekularne fizike. Dio istraživanja je posvećen i CT dozimetriji.

Objavio je preko 50 naučnih radova u časopisima koje pokriva naučna baza Web of Science-Core Collection, a isti su citirani 1000 puta u pomenutoj bazi. Skoro trećina radova je u Q1 kvartili. Učesnik u 15 domaćih i inozemnih naučno-istraživačkih projekata. Aktivno učestvovao na 40 međunarodnih konferencija. Stalni je recenzent u 15 međunarodnih časopisa indeksiranih u Web of Science-Core Collection. Koautor je 7 knjiga/udžbenika.

Pored Medicinskog fakulteta, drži predavanja na više drugih fakulteta UNSA (Prirodno-matematički fakultet, Veterinarski fakultet i Stomatološki fakultet). Bio je mentor na oko 30 završnih radova oba ciklusa i integrisanog studija na UNSA, kao i mentor jedne doktorske disertacije. Oženjen je i otac troje djece.